

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Maneige royal, où l'on peut remarquer le défaut et la perfection du chevalier en tous les exercices ...

Pluvinel, Antoine

Paris, 1624

Advertisement av lectevr

[urn:nbn:de:bsz:31-143628](https://nbn-resolving.org/urn:nbn:de:bsz:31-143628)

ADVERTISSEMENT AV LECTEUR.

En'ay que trois poincts (Amy Lecteur) à te représenter. Le premier est touchant le style de celiure qui semblera peu releué aux plus graues & seueres. Mais ayant eu l'honneur plusieurs fois, premier que iamais les desseins de Taille douce fussent esclors d'en conferer avec feu Monsieur de Pluinel mon bon Maistre (Auteur de cet ouvrage) il m'en donna quelques raisons pertinentes: à sçauoir qu'il luy conuenoit rediger, par escrit, en mesme termes, les preceptes & documens, que de viue voix il auoit enseignés à la plus saine partie de la noblesse Françoisé, qui est vn moyen (adioustoit-il) de luy facilement & parfaictement remettre en memoire les leçons qu'elle a autresfois sçeuës & exercees. Et d'ailleurs ce qui gist partie en Theorie & partie en Pratique, requiert les plus faciles mots du mestier, imitant en cela le dire de S. Augustin, qui ne se soucie de clef d'or si celle de bois peut ouuir ce qu'il veut estre ouuert. Le second touchant quelques erreurs qu'on pourra remarquer aux figures de Taille douce pour la beauté & proportion conuenable aux Cheuaux, à quoy ledit auteur n'a peu satisfaire ayant esté preuenü par la mort, sans laquelle il eust avec grande facilité remedié à ce deffaut comme bien versé qu'il estoit en l' Art de peinture. Je passe sous silence l'intelligence qu'il auoit en sa particuliere profession de Cauallerie, qui est cogneuë de l'vn à l'autre Pole. Le Troisieme qu'il se peut faire les susdictes figures en Taille douce n'estre colloquees & adaptees entierement suiuant le dessein & sens de l'escrit pour l'entiere correspondance quel'Auteurs estoit promis. Si tel deffaut si rencontroit on sera payé de la precedente raison. l'ay bien voulu aduertir le Lecteur bienueillant, afin qu'il ne soit imputé aucun manquement d' Art. inuention. & science audit Auteur, ne l'adressant aux esprits critiques qui trouueroient selon leur caprice à tondre sur vn œuf. Et cest vn des moindres devoirs que ie deuois à la memoire de feu Mondit sieur de Pluinel mon bon Maistre.

I. D. PEYROL